

**IZVOD IZ TRANSKRIPTA SA 34. SJEDNICE SKUPŠTINE ZENIČKO-DOBOJSKOG  
KANTONA ODRŽANE 30.11.2016. GODINE KOJI SADRŽI RASPRAVU PO 2. TAČKI  
DNEVNOG REDA „NACRT BUDŽETA ZENIČKO-DOBOJSKOG KANTONA ZA 2017.  
GODINU“**

**PREDSJEDAVAJUĆA**

Otvaram raspravu po ovoj tački dnevnog reda, da li se neko javlja za riječ? Gospodin Lemeš, potom gospođa Jupić.

**SAMIR LEMEŠ**

Kolega Midhat Delić i ja smo se baš obradovali bili kad smo vidjeli u ovoj tabeli klasifikacija funkcija Vlade po klasama, da je za zaštitu životne sredine planirano dvadeset i jedan milion maraka, međutim vrlo brzo smo se razočarali, je'l to izgleda neka štamparska greška jer te sume nema u ovom zbiru dole, dole bi zbir treb'o bit' tristo trin'est miliona, a isto tako ovdje pojedinačno po planovima iz namjenskih vlastitih i iz budžetskih sredstava uopšte nema tih sredstava planiranih, tako da bih ja volio da mi neko objasni otkud se pojavio ovaj dvadeset jedan milion, a s druge strane u rashodima za Univerzitet u Zenici vidim da nisu uopšte planirana namjenska sredstva za Centar za zaštitu okoliša. Ja znam da su bila izdvojena sredstva u 2016. godini, to su sredstva koja dođu iz Fonda za okoliš federalnog pa se onda raspoređuju i da su ta sredstva planirana za opremanje tog Centra. Međutim, taj Centar kad se opremi on ne može kad smo ga već opremili, nećemo ga samo zaključati i ostaviti tako, ako ništa treba platit' struju i troškove zaposlenih, a da ne spominjem opremu za mjerenje zagađenja zraka koja evo od 22. maja prošle godine još uvijek primopredaja nije završena. Mjerne stanice u Zenici su prebačene na Metalurški institut, do dan danas nije potpisan Ugovor sa gradom Zenica, ja stvarno ne znam šta se dešava s tim, nikako da se okonča, već dvije godine u naj... u najzagađenijoj mjesnoj zajednici u Bosni i Hercegovini, u mjesnoj zajednici Tetovo ne mjeri se sumpor dioksid jer Bože moj ne zna se ko treba da zamijeni taj modul za sumpor dioksid, već dvije godine. I evo vidim ovdje nema uopšte planiranih sredstava za održavanje te opreme za unapređenje, mi imamo nekakve silne planove da taj Centar profunkcioniše, da radi međutim bez sredstava ne može ništa raditi. Ne znam jel ' se to zasniva na nekom entuzijazmu, evo čak nema ni donacija uopšte, zato ne znam kako mislite da funkcionije Centar za zaštitu okoliša bez Budžeta. Isto vidim da je broj zaposlenih na Univerzitetu sa tristo dvan'est smanjen na tristo šest. Je'l to znači da ćemo nekoga otpustiti na Univerzitetu, da će ostati bez posla ili, il' se možda radi o greški? Znači, molio bih objašnjenje za ovaj dvadeset jedan milion i obrazloženje za finansiranje iz namjenskih sredstava za Centar za zaštitu okoliša na Univerzitetu u Zenici. Hvala.

**PREDSJEDAVAJUĆA**

Zahvaljujem gospodine Lemeš. Gospođa Jupić, a neka se pripremi gospođa Delibašić.

**AMRA JUPIC**

Šta reći, a ne zaplakati. Ako sam Vas dobro razumjela, gospodine Kajiću, za četrdeset jedan milion smo zakinuti, ako sam Vas ja.....preko četrdeset miliona, zastrašujuće. Ja ne znam, da ja imam ičiji telefon s viših nivoa, ja bi ga koristila, zvala, pitala o čemu se tu radi, al' neću ulaziti ni u onaj član, zaista to ne razumijem, ono što nam....ne znam gospođa Miličević Jelka jel' tako, ovaj federalna ministrica, zaista ovaj ni njen broj telefona da je pitam o čemu se radi i apsolutno cijenim to što ste pokušali da nam približite kako se raspodjeljuju novci s kamare, znamo mi to svi dobro kao zastupnici, da idu po entitetima, da idu u Republiku u manji BiH entitet, na Federaciju na Distrikt Brčko jel' i grad Sarajevo kako rekoste, ali meni jedna druga stvar nije jasna zaista, mi se uvijek pozivamo na neke više nivoe. Imam ja ovdje kolega koji su samnom zajedno sjedili nekad u Vijeću i uvijek nekako ono, neko od kolega je rekao na jednoj od prethodnih sjednica, zaista sjedište mijenja gledište, pa eto trebali bi početi koristiti te telefone. I ono jedino što mene tješi to je nastup uvaženog, cijenjenog premijera gospodina Galijaševića, mislim na jednoj od prethodnih sjednica, možda prije jedno dva mjeseca ovdje, kad je baš onako, bila je visoka intonacija s ovog mjesta, da će zaista štititi interes Zeničko-dobojskog kantona i da će sve svoje napore usmjeriti ka tim višim nivoima, i interese građana

Zeničko-dobojskog kantona staviti ako treba, mislim da sam dobro tada razumjela ... pa čak i ispred stranke. Možda sam ja sebi tako prevela, možda griješim, ali zaista taj njegov nastup mi je ostao onako upečatljiv i ja ga pozivam s ovog mjesta i uzimam sebi za slobodu i pravo kao zastupnica da to tražim od njega, da one njegove riječi sa te sjednice ne budu samo, imamo stenogram, slovo na papiru, a vjerujem gospodinu Galijaševiću da će učini sve i da će zaštititi ...evo mene u konkretnom slučaju interesuje samo Zeničko-dobojski kanton, drugi nek' se brinu za sebe. Što se tiče Nacrta samog, prijedloga, Nacrta Budžeta za 2017. godinu ja primjećujem, a i svi vi sigurno samo neki će reći, neki neće, neki će priznati, neki.... i razumijem zašto neće, ovo je kreditno zaduženje, živimo od kredita, dižemo tri hiljade maraka, četveročlana, petočlana porodica ide na more pa se vrati i onda cijelu godinu otplaćuje. To je evidentno i protiv toga ne možemo, to su fakti, to su činjenice i protiv toga se zaista ne može. To Vlada Zeničko-dobojskog kantona zaista radi, i ne mogu da se..... Evo ja ću se dotaći, da ne bude nisam se dotakla nekih stvari, tu su opet kažem, ponavljam kao i na prethodnoj tački dnevnog reda i razdjeli četrdeset jedan, četrdeset dva, četrdeset pet, namjerno ih navodim ako neko želi da pronađe stranicu sa tim razdjelima, šezdeset devet, pa organizacionu jedinicu hiljadu jedan, dok ja ovo pričam pa da možda eto ako nekog interesuje da ne bude krivi navod, reći da se nekako ne mogu otrgnuti, u jednoj od pauza danas kraćoj sam razgovarala sa uvažanim kolegom Plančićem, koji zna koliko ga cijenim, da sam odgledala sinoć ili preksinoć jednu od sjednica dvije mislim tisuće trinaeste godine, gdje se jednostavno dopušta kreditno zaduženje drugima i evo danas prvi put čujem vladama, evo ja ću reći u tehničkom mandatu, ali eto nećemo tako, vladama u ostavkama, vladi u ostavci zbog nekakvog nepovjerenja, i neću reći koji je zastupnik sa ovog mjesta, istog, nadam se da je bila ista ova govornica o istog materijala, ovako rekao i ne znam da li ću baš citirati, ali može se pogledati, postoje CD, postoje snimci postoje stenogrami, nećemo mi svoju unučad, prauučad i ne znam ni ja zaduživati dodatno za taj i taj iznos, a čiju sad unučad zadužujemo, tad' su bila unučad i prauučad očito vrijednija nego sad', mislim kontradiktorno il' očito ne želite da se ponovo gledate na televiziji, izuzetno ste svi lijepi, zgodni, izgledate intelektualno potkovani, zato nema nikakvog razloga da ne pogledate sjednice iz dvije tisuće dvanaeste i trinaeste. Evo ja ih gledam, prije svake sjednice, onako baš uživam i kažem sjedište mijenja gledište, no nećemo više o tome da vam ne bih bila dosadna. Dakle, ne radi se o nekim velikim sredstvima kad je u pitanju ova organizaciona jedinica hiljadu jedan razdjel četrdeset jedan, da vidite da je..... Ovo govorim zbog predstavnika boračke populacije, sto posto je veći iznos transfer pojedincu. Kad pogledate razdjel četrdeset pet tranfer za nadarene studente, koliko je manji, pa kad pogledate opet neki transfer pojedincu razdjel pogledajte četrdeset dva, sedamsto posto veći, ono onako kad se u procentima znate iznosi onda to tako djeluje impozantna cifra, međutim nisu to neki veliki iznosi, postojeći, pa je nekako sedamsto posto zvuči golemo, no međutim nije, al' nema veze, pa razdjel šezdeset devet tekući tranfer za nabavku udženika, pogledajte kol'ki je bio. Gospodine Husejinagiću ako imate nešto reći evo ja ću izaći s govornice pa da vi dođete, nema veze. Dakle, radi se o tome da je očito bolje biti u ovom kantonu pojedinac nego nadareni student, očito da smo se doveli do toga da je bolje biti pojedinac, jer ja ne znam šta znače ovi razdjeli, ovi razdjeli i ove organizacione jedinice pojedincima, ali očito evo ima tih transfera. I ono na kraju da kažem, da završim, da zaokružim ovu svoju onako poprilično blagu, jer kad bude prijedlog tad' ćemo, tad' ćete čut' šta imam na papirima što ću iznijeti' ovdje. Moram se malo dotać' ovog koje stalno uporno ovdje uporno hvalim, kontinuirano, a to je gospodin Arsenić. Ako pogledate, razmislit ćete vi, znam da hoćete, o čemu ja pričam u Nacrtu, od novčanih kazni, ostali prihodi planirani sa tristo pedeset hiljada KM-ova više, znači budžet će se puniti, evo ja sam slobodna opet da kažem iz džepova građana naših. Ja nisam osobno vidjela ali sam čula, od ozbiljnih ljudi i mojih sugrađana, ja sam svjesna, treba uvesti reda u sve pa i u ovu problematiku, al' sam čula da su nene koje su krenule ljekaru koje stanuju dvadeset kilometara od Zavidovića privođene u stanicu zato što nisu na semaforu prešle, nisu čekale zeleno. Dakle, bojim se da će opet ići po džepovima naših građana, znam da treba uvesti reda al' mislim da ćete vi, da ćete vi lično uvesti reda u ovome o čemu ja pričam, a vjerujte mi iz komšiluka mladić od 14 godina, moram reći mladić jer ga vidim za volanom Mercedesa onako atraktivnog, jedna novija tipa vidim kad prođe. Tol'ko od mene, dakle eto molim vas da se samo obrati pažnja da se ovi prihodi, ne računa na naše već dovoljno napaćene građane i da evo boračka populacija razmisli o ovome i reagira, jer evo završit ću s time važno je biti, bitno je biti očito pojedinac. Hvala lijepo.

## **PREDSJEDAVAJUĆA**

Zahvaljujem gospođa Jupiće. Gospođa Delibašić.

### **NAIDA DELIBAŠIĆ**

Kolegica Amra je dosta stvari rekla koje bih i ja rekla, tako da neću te stvari ponavljati. Ono što...neću vam znači oduzimati' puno vremena. Ono što mi je prvo zapalo za oko, kao djetetu jednog borca jeste ustvari Ministarstvo za boračka pitanja. Ono što, što mene boli je činjenica da još uvijek Vlada Zeničko-dobojskog kantona nije ispoštovala u onom stopostotnom obimu član 53. Zakona o dopunskim pravima branioca i članova njihovih porodica, gdje se kaže da četiri posto redovnih budžetskih sredstava treba se odvojiti' za Ministarstvo za boračka pitanja. Druga stvar, moram i pohvaliti Ministarstvo za boračka pitanja, bar za ono čega se sjećam 2016. godine, sjećam se da smo kolega Mušinbegović i ja na poziciji 213, odnosno 213 pomoć braniteljima i članovima njihovih porodica u teškoj socijalnoj i ekonomskoj situaciji podnijeli Amandman koji je usvojen, evo danas mi je drago da vidim da su sredstava na ovoj poziciji uvećana, to je svakako za svaku pohvalu. Zatim, pozicije 213, to je 213, 222 transfer za poticaj zapošljavanja branilaca i članova njihovih porodica, takođe za svaku pohvalu da je došlo do povećanja ovog transfera, zatim 214 pomoć za liječenje i nabavku lijekova, i to je za svaku pohvalu, tu je došlo do povećanja, zatim transfer 202 stipendiranje studenata branilaca i članova njihovih porodica, ostalo je na istom nivou kao i 2016. godine. Ja bi predložila da se ovaj, ova stavka 202 stipendiranje studenata branilaca članova njihovih porodica uveća u, u nekom iznosu gdje bi mi mogli stipendirati još minimalno petnaestak studenata koji su članovi boračkih porodica, zatim moja primjedba je znači na pozicije 206 i 207, sufinansiranje učešća u takmičenjima invalidskog sporta i sufinansiranje organizovanja takmičenja sportskih manifestacija. Vidjeli smo i u Rebalasu Budžeta da je to smanjeno, da je ustvari to 65.000 bilo u 2016. godini, smatram da je ta pozicija, da su te pozicije sasvim dovoljne, šezdeset hiljada, šezdeset pet, smatram da je čak i previše osamdeset hiljada na ovim pozicijama. Sredstva bi, smatram da bi se sredstva trebala povećati znači na ovoj poziciji 202, stipendiranje studenata branilaca i članova njihovih porodica i na poziciji pomoć za nabavku udžbenika za redovno obrazovanje koja je smanjena, zatim tekući transfer maloprije smo raspravljali o tome kad je bio Rebalans Budžeta, tekući transfer za posebno nadarene i talentovane mlade ljude molit ću predlagača da i ovu, da ovu poziciju uvaži povećanjem, odnosno moje primjedbe na ovo što je, što nam je predstavljeno ovdje, da taj iznos bude 30 hiljada umjesto ovih 15 hiljada, a vi ćete već znati gdje ćete vi to moći, ovaj, izvršiti zamjenu. Zatim, moram pohvaliti i 204 smještaj u drugu porodicu, to je također povećano, 213, isto tako 219 je smanjeno, čak bi i tu možda moja primjedba bila da se i tu moglo povećati na neki način, nekim sredstvima koja bi možda pomogla još nekoliko majka dojilja. Zatim, transfer Javnoj ustanovi Služba za zapošljavanje Zeničko-dobojskog kantona za podsticaj aktivnih mjera zapošljavanja, ovdje imamo to povećanje koje bi ja predložila da se poveća podsticaj zapošljavanja mladih ljudi. Takođe, želim pohvaliti 202 tekući transfer za stipendiranje studenata koji je povećan i mislim samo da na taj način možemo aktivirati naše mlade ljude.

Zamoliti ću zaista predlagača da uvaži sve moje primjedbe, odnosno posebno onu primjedbu koju sam imala i na Rebalasu Budžeta za posebno nadarene i talentovane mlade ljude, ukoliko naravno ne bude uvaženo, postoji mogućnost amandmanskog djelovanja. Hvala.

## **PREDSJEDAVAJUĆA**

Zahvaljujem gospođu Delibašić. Gospodin Fejzić

### **EDHEM FEJZIĆ**

Ja nisam vidio ovdje, ljudi koji su govorili za Tetovu školu, koji su ovdje postavljali inicijative i pitanje, mislio sam da će oni izaći i pohvaliti Ministarstvo i ovu Vladu, da će oni pristupiti u realizaciju i pravljenje škole u Tetovu. Gospodine Arseniću, gospodine Arseniću, svi oni koji ne poštuju zakone i propise makar to bile nene i babe sankcionišite po zakonu i imat ćete podršku. Mi za ovom vovornicom konstantno govorimo ovdje, daj ovdje, daj doktor Faruk, daj mu da se prilagodi vožnja, daj ovako, samo da se ne kažnjavaju nene. Kažnjavajte i nene i deke i bake. Dal' ćete punit Budžet ili nećete punit to je drugi par opanaka. Radite samo i sprovodite mjere one po Zakonu. Što se tiče nadarenih mladih talenata koji svakodnevno su naši ambasadori po svijetu, ja predlažem predlagaču i amandmanski ću tu djelovati, na znači mladi talentovani sportaši, ovo od deset do jedanaest godina, da

im se omogućiti da oni idu po Evropi i da našu zastavu se viori na, na, terenima kako teniskim tako i parketima. Što se tiče nadarenih studenata, ja ću zamoliti Ministarstvo i ministra da napokon odlučimo ovdje kome mi, kome bi trebali davati ustvari je li stipendije. Normalno da ne bude tu, sad da mi neko kaže vidi ovaj pravi neke diskriminacije. Ako mi imamo pravnika tristo, imamo onog tristo, imamo tristo, nemamo nekih određenih tehničkih fakulteta, nemamo je li doktora, pa treba to Ministarstvo da ipak izvaga hoćemo li mi školovati djecu samo zato da oni imaju fakultete i da bi reki komšinici vidi ide moje dijete na fakultet, il' ćemo uzgajati dobre ljekare, doktore, medicinare, dobre avijatičare ili dobre stručnjake iz elektrotehnike ili informatike. Mislim da i ovdje moramo malo gospodo izvagati šta je nadareni student. Je'l nama treba više pravnika, s dužnim poštovanjem, evo neću personalizirati nijedan fakultet. Mi moramo početi raspravljati i o našem Univerzitetu o ovim sredstvima koje mu dajemo. I zato smatram, jednom prilikom sam rek'o ovdje prva violina, pa često mi to spotiču na na na.... ali evo i sad' ću reći, prva violina ovog našeg orkestra, gospodin premijer Galijašević dobro radi ovaj pos'o. Ministar Kajić vrlo dobro prebacuje ovo, dotjeruje što bi rekli mi u tenisu koji igramo. Ali je jako bitno, ali je jako bitno, a svi smo zaboravili, a svi smo zaboravili da smo i mi sami dobro u crvenom, da smo i mi dobro u crvenom. Iako imamo malo više para, uložimo i zadužujemo se, pravimo nešto drugo. Gospodo draga, pred Kantonom, u zadnjih godinu, godinu i po' dana nije niko se pojavio. Ja bi volio možda i da se neko pojavio, al' nema, nema i što se tiče Ministarstva, evo gledam gospodin Himzo ministar za poljoprivredu, nema ni poljoprivrednika. Ja ne znam šta je, je'l to il' funkcionira dobro, il' to vi dajete dobro il' potkupljujete. Znači, ne želim ništa da hvalim, nisam od tog.... ja volim bit' više u opoziciji, jer da sam ja u opoziciji lakše bi ovdje radio. Ovaj, znao bi gdje su karafeke, ali nije mi, nije mi....drago mi je što vi ne znate gdje ćete potrefit'. Znači ja pohvaljujem ovaj Nacrt. Djelovati ću amandmanski u skladu sa kako Klub to bude isfinalizir'o, poštovati ću je l'disciplinu, rad svog Kluba, i mi ćemo pokušat' vidit ove anomalije. Čestitam i zahvaljujem.

## **PREDSJEDAVAJUĆA**

Zahvaljujem, gospodin Husejnagić.

## **MUNIB HUSEJNAGIĆ**

Evo ja ću započetak dati kraći osvrt vezano za predloženi Nacrt Budžeta, i kao prvo bih podijelio s vama ovu jednu analizu koju sam uradio, a vezano je za predloženi ukupan broj zaposlenih na nivou Kantona. Puna su usta reformske agende, svi govorimo o smanjenju administracije, o uštedama itd. Istina u ovom Nacrtu Budžeta je ponuđeno da će, i planirano je l' tako da će biti 8212 uposlenika na plaći Budžeta Ze-do kantona. U ovoj godini, 2016. 8223 i stidljivih nekih 11 uposlenika manje u odnosu na ovu 2016. Zašto govorim stidljivim, zato što imaju određene djelatnosti, odnosno ministarstva u kojim ima potrebe za velikim smanjenjem broja uposlenih, ali i djelimično i došlo u tim ministarstva, međutim, sve to što je smanjeno je potrošeno odnosno pokriveno kroz dodatna zapošljavanja u ostalim ministarstvima i ustanovama. Pa redom, znači naše najmnogoljudnije Ministarstvo ima 5797, to je Ministarstvo obrazovanja. Mi znamo kol'ko je broj djece odjeljenja, kol'ko je manje, koliko imamo potrebe za prosvjetnim radnicima. Znamo, bilo je i prije, ima i danas i bit će u budućnosti, nažalost, jer imamo smanjen priliv djece u škole, i imamo potrebu za smanjenjem tog kadra. Podržavam da se kroz razne mjere ne otpuštaju, radnici, da se preusmjeravaju, da se na sve načine, znači i škole, u školi itd., da se ne stvara taj bukvalni tehnološki višak, nego da raspoređuje to kako raspoređuje. Međutim, nije napravljena ta ušteda željena koja je, koja je trebala, znači imamo planirano 5773 u ovom Ministarstvu ili 20, minus 24 radnika u odnosu na ovu budžetsku godinu. To je jako malo, s obzirom da je to već potrošeno kroz zapošljavanja predviđena dodatno 3 upošljavanja u Ministarstvo, 2 u Pedagoški zavod itd. Donekle je opravdano povećanje zaposlenih u inspekcijama. Znamo kakvo je stanje. Znamo da imaju nepokrivrenost određenih djelatnosti koje nemamo kantonalnog inspektora, i to bi trebalo iskoristit'. Ovdje su predviđena 4 i to je mislim uredu, kao isto i čuvanje šuma Kantonalna uprava za šumarstvo gdje je predviđeno 4 dodatna uposlenika u ovoj narednoj budžetskoj, budžetskoj godini. Ja što posebno skrećem pažnju, a to je na dvije, dva, jedan zavod i jedno ministarstvo, i Tužilaštvo. Znači imamo Kantonalni zavod za pružanje besplatne pravne pomoći, smanjenje za 2 uposlenika, diskutovali smo ovdje kad smo usvajali Izvještaj o radu tog, tog Zavoda i rekli smo da je neophodno osnaživati taj Zavod jer imamo izuzetno veliku korist po Budžet, smanjenje troškova po osnovu branjenja od strane advokata koje po sili zakona imenuje itd., itd.. a imamo ovaj Zavod koji možemo koristiti, koja je u jedno vrijeme, sad stvarno ne znam, bio svega

koštao 40 hiljada maraka, ušteda napravi u tom periodu, prije 2 godine 400 hiljada maraka. Znači, sa jednim uposlenikom koji izuzetno malo košta, u odnosu na ono koliko štiti Budžet i troškove Budžeta po, za angažovanje, za angažman advokata itd., zastupanje onih koji su socijalno potrebni, mislim da nije opravdano smanjenje u ovom Zavodu. Takođe, ne znam kakva je greška i šta je, ali na strani 22, Kantonalno tužilaštvo, znamo da je napravljena nova zgrada, znamo da su preselili, dobili sve moguće uslove za rad, i imamo da je u ovoj 2016. – toj 91 jedan uposlen, a da će u 2017.-toj biti 77- minus 14 uposlenih u Kantonalnom tužilaštvu. Znamo kakvo nam je stanje i kol'ko je kriminaliteta i sve ostalo, i kako to sve sporo ide itd. Ovo mi je totalno nejasno i tražim pojašnjenje zašto je došlo do smanjenja. Ja ne znam zašto je smanjenje kad je u Budžeta sredstva predviđena za namjene troškova plaća uposlenika ostalo skoro na istom nivou kao i ove godine. Znači predviđeno planski je za narednu isti nivo sredstava, 20-tak hiljada maraka razlike čini mi se, a da je ovaj broj zaposlenih za 14 manje. Ne znam šta je, malo sam sa ministrom Kajićem razgovarao, on pretpostavlja da je to pogrešna informacija, da je devedeset dosad jedan bilo zaposlenih, onda je pogrešna informacija da je ukupan broj zaposlenih u Ze-do kantonu, pa onda opet imamo 14 rebalans koji, o kojima možemo razgovarati da li je došlo do smanjenja ili povećanja, ili povećanja broja, broja zaposlenih. Ministarstvo unutrašnjih poslova, takođe smatram da je na neki način opravdano, predviđeno je 27 novih uposlenih u odnosu veći broj uposlenih u odnosu na ovu budžetsku godinu, 1486 je u ovoj, a 1513 je predviđeno u narednoj godini, i još jedna stvar svjedoci smo, da je Služba za zajedničke poslove Ze-do kantona... Veliko nezadovoljstvo je i putem Kolegija i putem ove Skupštine na rad kroz izvršavanje zadataka, prvenstveno kad govorimo o nabavci javnih usluga, od opreme do usluga snimanja ove Skupštine itd. Imamo dvije godine nepokrivenost snimanja zato što Služba ne može, a oni daju pismeno obrazloženje da nemaju ljudi, nije adekvatno itd.itd., i mi imamo znači da je trenutno po, 36 ih zaposleno, 31 jer je smanjenje za pet. Ne znam trebalo bi mi pojašnjenje, ako ima neki rezervni plan za reorganizaciju itd., znam da je onaj sistematizacija, sistematizacija dosta veća. Znači, sve one uštede tamo odlaskom ljudi u Ministarstvo obrazovanja u penziju, na takav način smanjenjem broja uposlenih, jer nije mi poznato da je proglašen ijedan tehnološki, kao tehnološki višak Ministarstva obrazovanja, ali je došlo do smanjenja zbog smanjenja broja ove potrebe za obrazovanim kadrom, to je posebno u osnovnoj škola, tako da je to sve skoro nadomjereno kroz određena Ministarstva i službe koje su do jedan, dva povećanja broja uposlenih u ovoj godini, tako da mislim da ne izvršavamo ono što smo obećali, a da će doći do smanjenja kantonalne administracije. Kad je u pitanju planirano u Nacrtu Budžeta osvrn'o bi se na stavku na strani 14 vezano izvršenje sudskih presuda. Mislim da je s obzirom na ovoliko planirano zaduženje od 30 miliona nedovoljno planiranih sredstava bilo pogotovo u ovoj 400 hiljada jer je u onoj teškoj 2014.-toj bilo 800 hiljada planirano za izvršenje sudskih presuda, posebno mislim na to su 99 posto sudske presude uposlenika koji su bili na Budžetu, kojima nisu izvršena...onaj i stalni pristisak Ustavnog suda za neplaćanje ovih obaveza. Mislim da je se morao iznaći najmanje 1 milion za vraćanje tih sudskih, za izvršenje sudskih presuda u ovakvom odnosu snaga sa ovolikim punjenjem Budžeta redovnim kroz prihode PDV-a i direktnih poreza i kroz ovoliko kreditno zaduženje da je to s obzirom na stanje kakvo je bilo bez kredita i punjenja Budžeta i planiranih u 2014- toj 800 hiljada, mislim da je ovaj nedostatno 798 hiljada, i da bi trebalo biti to minimalno, minimalno jedan, 1 milion. Kad je riječ, znači o samom Budžetu ja svakako cijeneći kroz što sam prošao i kako smo prikazivali potrebu za kreditom, potrebu zbog toga što je smanjenje punjenja Budžeta, priliva PDV-a i ostalog ne mogu nikako dignuti ruku i podržati ova Budžet i ovaj Nacrt Budžeta sa ovolikim kreditnim zaduženjem, ali se slažem sa i izlaganjem ministra finansija, kad je pitanju povrat PDV-a. Tu ne trebamo stranački gledat se, tu moramo lokal-patriotski posmatrati i svi zajedno djelovati da pokušamo to promijeniti. Nijedna politička opcija sama to ne može uraditi, i to nikad centri iz Sarajeva neće dozvoliti. Znači mi i to smo pokušavali, analize pravili, isto kao što i ovaj saziv Vlade, to je ogroman problem za ovaj Kanton, neodrživ je i praktično, neće moći kreditom funkcionisati ni u narednom periodu, kao što nije moglo do sada, znači ako nešto ne učinimo da to stanje popravimo. Znači, ja pozivam da zajedničkim djelovanjem svih naših delegata, lokal-patriotizam i to prije svega mislim na delegate, odnosno zastupnike u Federalnom Parlamentu i Domu naroda i Zastupničkom domu, gdje se i usvajaju izmjene tog Zakona i kriteriji za povrat. Moramo uticati, moramo djelovati jedinstveno i pokušati popraviti situaciju jer ogromne su analize u narednih....od kad je uveden PDV pa do danas svake godine su silni milioni, silne milone smo izgubili svake godine i mi to kroz ostale prihode sigurno ne može nadomjestiti, zato slažem se sa ministrovim izlaganjem i pozivam sve na akciju da to pokušamo završiti u Sarajevu, u Federalnom parlamentu. Hvala vam.

## **PREDSJEDAVAJUĆA**

Zahvaljujem. Gospodin Jukić.

### **DAMIR JUKIĆ**

Evo i ja ću vrlo kratko dat' osvrt na Nacrt Proračuna za 2017. godinu. Mislim da nema potrebe da kažem da ćemo nas dvojica podržat' ovaj Nacrt Proračuna, to je više nego jasno, ali evo kratak osvrt sa nekoliko sugestija, a ja ću kao predstavnik stranke koja se nalazi na vlasti u Zeničko-dobojskom kantonu, odnosno evo konkretnije koji upravlja Ministarstvom financija krenuti od neprihodovne strane. Često puta zastupnike najviše zanima rashod, pa bi želio da ovdje na jednu na drugu stranu. Deset godina sam pratio rad Općinskog vijeća pa kad se usvaja Nacrt kaže pustite nek prođe Nacrt, to je samo Nacrt nije to još Prijedlog, samo nek prođe. Prođe Nacrt dođe Prijedlog, pojave se želje jer za razliku Nacrt je znači želja budžetskih korisnika, a Prijedlog Proračuna je želja budžetskih korisnika i zastupnika koji je usvajaju, e onda kažu odakle skidate da bi ovdje dodali, tako da je nama zastupnicima dosta lakše, ovaj kad je Nacrt u pitanju iznositi svoje želje, sugestije, evoga ako ima i kakve primjedbe. Ja ne znam zašto Ministarstvo financija, evo nisam uspio kolegu Andreja ni upitati, ovaj kad je u pitanju porez na dobit od poduzeća, vi znate da je još 11.02. ove godine na sjednici Doma naroda donesen novi Zakon o porezu na dobit u Federaciji Bosni i Hercegovini koji predstavlja jedan od reformskih zakona fiskalnog sustava u Bosni i Hercegovini i prema kom Zakonu će, ne samo federalni nego i županijski proračuni prihodovati veći porez na dobit. Upravo će Zeničko-dobojski kanton jer je ukinuta ona odredba za izvoznike da se oslobađaju poreza na dobit, ukoliko ostvaruju određen procent izvoza biti razlog da će ovom mišljenju, bit ću slobodan laik sam u ovoj oblasti ali da će ovaj, ovaj porez na dobit iznositi i nekih 30 miliona, bar je takva bila projekcija u odnosu na prethodne godine s obzirom na ovaj Zakon koji smo mi usvojili u Domu naroda upravo odnosi samo, dakle na, počev od fiskalnih 2016. godine. Tako da sve one uplate početkom 2017. godine će bit' znači u porezni dobit za 2016. godinu, jer smo u ovoj tabeli Nacrt Proračuna se navodi petn'est. Mi znamo da smo prethodno, u prethodnoj točki Rebalansom, usvojili Rebalansom porez na dobit, kol'ko bi moglo bit' izvršenje do kraja ove godine dvadeset miliona i tristo kako je u rebalansu, tako da moja su neka optimistična gledišta da bi ovaj porez na dobit nekih dodatnih deset miliona, bar kako je bilo priče na Domu naroda, koliko se ja sjećam, evo treba označiti, a stoga će onda preći na rashodovnu stranu, pokazati gdje bih ja volio, odnosno gdje su sugestije zašto, zašto je došlo do smanjenja u nekim stavkama za, gdje bi trebalo možda neke stavke povećati. Hvalili smo se evo ove godine, i da smo jedan od rijetkih zakona, jedan od rijetkih možda jedini jel' tako Kantona koji ima Zakon o javnom i privatnom partnerstvu, a za 2017. godinu planirani iznos sredstava spada na nula kada je u pitanju tekući transfer općinama za provođenje projekata prema Zakonu o javnom i privatnom partnerstvu. Nadalje, kada je u pitanju što je kolegica Naida spomenula, transfer za posebno nadarene i talentirane mlade, da se vrati na onih 30 tisuća kao što je bio plan za ne Rebalans, nego što je bio plan prvotni za 2016. godinu. Ono što je moja glavna zamjerka ide pored, evo ima još neko'ko tih transfera, vidim tamo ne znam zašto je nula planirana tranferu za Crveni križ, da li će to u sklopu onog ukupnog tranfera neprofitnim organizacijama Ministarstva za rad i socijalnu politiku, doduše i on je smanjen sa 100 na 83, ali zašto je ukinut tranfer za Crveni križ, onaj što je bio 10 tisuća maraka. Moja glavna zamjerka jest transfer za sport, i moja glavna molba i Ministarstvu financija vama zastupnicima, da se tu pokuša iznaći veća sredstva, dakle ukoliko se bude išlo znači do Prijedloga Proračuna na veću projekciju kada je pitanju porez na dobit, ja bi volio da ovaj tranfer za sport bude najmanje reću 1 milion. Bezbroj primjera ja vam mogu navesti, vi znate da je ustavna nadležnost Zeničko-dobojskog kantona kultura i sport. Za kulturu me sram ovdje reći da je ovdje planirano 55 tisuća maraka, za sve kulturne manifestacije na području Kantona. Za sport je taj transfer 560 tisuća maraka, uzimajući u obzir evo maloprije ministra pitam, to je nekih 160, 170 je'l sportskih klubova i udruženja koja koriste ovaj transfer. Uzmimo u obzir općinu Kakanj, od 22 miliona maraka, 500 tisuća maraka mislim da je transfer za sport, i veći je'l za 2017., ja govorim za 2016. da je bio oko 500. Kanton čiji je nadležnost isključiva u ovoj dobiti planira dakle iznos od 650. Ja znam da je puno gladnih usta kako se kaže, dosta, možda je neki drugi veći, ali evo ja sam blizak tim sportskim kolektivima i s te strane kao neko ko je i sportski radnik dugogodišnji ja vam, evo upozoravam da su to zaista nedostatna sredstva, uzimajući jedan proračun jednog sportskog kolektiva u kojem sam evo aktivan gdje se, gdje ukupan dakle onaj proračun za jednu godinu kalendarsku oko 50 tisuća, samo iz kantona dobije 50, dakle

deset posto sredstava se samo dobije onog ko je nadležan po Ustavu da financira sport, a većina tih sredstava upravo nam odlazi i za rad omladinskih kategorija, lako je za seniore, ima sponzore, to se nađe uvijek ovaj, međutim za onih stotinjak, 150 u svakom klubu, oni mlađi dobnih kategorija, to je muka, svaki dan pitanje kad će se neki klub ugasiť, ne samo govorim u Žepču, ja praktično govorim, vjerujem da je tako i u drugim općinama. Isto tako evo moram dakle napomenuti da bi volio da i ovaj tranfer za omladinke projektne aktivnosti, to je bio zaključak Komisije, nisam izlazio, nisam se želio dva put javljati, dakle pored ovog tranfera za kulturne da i ovaj transfer za omladinske projektne aktivnosti, ovaj da se značajno poveća, koji je sad planiran u iznosu od 50, a za 2016. je bio 60, mislim i on treba za duplo, ako ne ići, a ponavljam, vjerujem da će ta prihodovna strana biti nešto veća pa da ćemo tu imat' prostora. Evo toliko, i hvala.

#### **PREDSJEDAVAJUĆA**

Zahvaljujem gospodine Jukiću. Gospodin Skomorac

#### **RASIM SKOMORAC**

Gledajući ovaj Nacrt Budžeta za 2017. ja imam prijedlog za dvije intervencije, uslovno rečeno. Mi smo u ovoj godini u Budžetu za 2016. nismo imali planiran ekonomski kod za održavanje i servisiranje opreme, tako smo imali zaista ozbiljnih poteškoća da obezbijedimo sredstva za redovno izmirenje tih obaveza, tako da bi molio da se ove godine takav kod planira, tako da sredstva koja, koja su predviđena za kapitalni tranfer, za zdravstvo mogu bit' relocirana zavisno od potrebe da li se radi o opremi ili se radi o servisiranju i održavanju opreme, i druga intervencija ja zaista izuzetno cijenim ovaj što u kontinuitetu svake godine imamo značajna sredstva za, u kapitalnom tranferu, ali moram vam kazati da je u građevnskom smislu situacija u Kantonalnoj bolnici Zenica zaista alarmantna. Zgrada iz 1959. godine koja je toliko ispregrađivana, isprepravljana, ne znam šta više na njoj nije rađeno, dovedena u takvu, dovedene su te zgrade u takvo stanje da zaista moraju se poduzimati ozbiljni zahvati da se obezbijedi bezbjednost, sigurnost i kako takvi pristojni uslovi za boravak i osoblja i pacijenata gore, tako da bi molio zaista da se u, iznađu dodatna sredstva u iznosu od najmanje 500 hiljada maraka koja bi omogućila makar interventne aktivnosti na određenim sanacijama, prvenstveno mislim na sanacije krovova koji su i zadnjim gradom značajno oštećeni, bukvalno su nepopravljivi zato što se radi o krovovima gdje su korištene azbesne ploče koje se niti mogu u cjelosti zamijeniti, nit se smiju druge nabavljati, tako da imamo problem da uopće saniramo te krovove, a takođe i stolarija je u najvećem dijelu svih zgrada kao zastarjela, a da ne govorimo o instalacijama vodovoda i grijanja i elektroinstalacijama, tako da bi i ta sredstva zaista bila samo za one interventne aktivnosti, ali ipak kad se nešto radi da se bar uradi da to bude nekakva trajna rješenja, da ne ne radimo samo stalno krpljenje i time bacamo zaista sredstva samo u rupu, a ništa suštinski ne rješavamo. Hvala.

#### **PREDSJEDAVAJUĆA**

Zahvaljujem gospodine Skomorac. Moram primjetiti da ste me malo zbunili ovom diskusijom. Gospodin Begić.

#### **SENAID BEGIĆ**

Zahvaljujem. Neću, ja ću onu posljednju trećinu onog što sam imao da kažem, a zamolio bi ministra Andreja Kajića da izađe da me demantuje, poslije ovoga, obzirom da je bio izjavitelj po ovoj tački, a to opet ima direktno veze sa onom prethodnom tačkom, da se ne bi doveli u situaciju da se moramo prepiskama, putem javnosti ovaj davati demante na demante, volio bih da iskoristimo ovdje prisustvo zastupnika, pa da se demantujemo. Znači, definitivno ja ću biti protiv ovakvog Nacrta Budžeta, a vjerujem i Klub zastupnika SDP-a, i u biti ono što smo i rekli da kap koja je prelila čašu kad su u pitanju tolerancija na kreditna zaduženja Vlade Zeničko-dobojskog kantona uzimajući u obzir 2015. i 2016. godinu je bila informacija odnosno materijal koji je bio dostavljan nama kao zastupnicima, gdje se u materijalu predvidilo novo kreditno zaduženje u iznosu od 30 miliona maraka za 2017. godinu, to nas je iniciralo, 'ajde može shvatiti onu priču nasljeđenih deficita prethodne Vlade koja je, ja moram iskoristiti priliku ovdje bila zajednička Vlada u pola mandata SDA i SDP, tako da koncesiju za taj nasljeđeni deficit možemo podnijeti u omjeru 50:50., ali isto tako ono što želimo ovdje da kažemo, i što direktno ima veze sa tim jeste da nije isto voditi Vladu i krpiti budžetske rupe sa smanjenim

prilivom sredstava, sa kreditnim zaduženjem u toku mandata u iznosu od 10 miliona 665 hiljada maraka za četiri godine, u odnosu na vođenje Vlade i kreditnim zaduženjima godišnje u prosjeku od 20 miliona maraka, pa do sad imamo znači 44 miliona i evo ovih 30 miliona planiranih sa kamatama će to izaći preko 80 miliona maraka, samo za tri godine ove Vlade, odnosno dvije posljednje godine, i to je ono na što smo mi ukazali pažnju, i svakako, i ja ću ovdje reći da je veoma komotno voditi takvu Vladu, da je veoma komotno tu biti ministar finansija, i da je veoma komotno tu biti premijer, i šta smo mi pogriješili, mi moramo ukazati na takve stvari. I ja sam, kao zastupnica Amra Jupiće, uzeo pa hvala Bogu imam one arhivske snimke Skupština, pa smo pregledali i uvidio sam da su glavni glasnogovornici Stranke demokratske akcije u liku i djelu i danas prisutnih zastupnika ovdje, gospodina Aliefendića i delegata u Domu naroda i tada i danas gospodina Ibrahima Plančića, bili glavni glasnogovornici koji su ubjeđivali ovu Skupštinu i govorili da mi svoje generacije buduće ne trebamo zaduživati, i da je to alarmantno za Zeničko-dobojski kanton, a ja vas moram podsjetiti da je to bilo u godini 2014. kad smo imali demonstracije u mjesecu februaru, kad smo imali ogroman, ogromne posljedice poplava u 2014. godini, i to nas je motivisalo da uđemo u sanaciju tih posljedica i dobivanja kreditnog angažmana, međutim, nismo imali sluha za to i danas potpuno opravdano smatramo da moramo građanima Zeničko-dobojskog kantona ukazati na činjenicu da se na ovakav način ne može, ne mogu voditi finansije u Zeničko-dobojskom kantonu. S tim u vezi, i želim da kažem da smo itekako kompetentni gospodo ispred Službe Zeničko-dobojskog kantona, uvaženi premijeru, uvaženi ministre finansija, itekako smo kompetentni i gospodin Husejnagić i ja, da skrenemo pažnju na ove činjenice, i molio bih ubuduće da radi digniteta i ove Skupštine, i naših odnosa uvažavamo jedni druge, i na ovakav paušalan način se ne obraćamo ovako visokom tijelu koji se zove Skupština Zeničko-dobojskog kantona pojačana sa ministrima iz Vlade Zeničko-dobojskog kantona, i gosti a koji su danas prisutni. Ja ubuduće neću dozvoljavati da se na ovakav paušalan način, u ime press službe, a bez argumenata obraćate ovako visokom tijelu, i s tim u vezi sam iskoristio priliku da danas ukažem na ove stvari, ako hoćete možemo to nastaviti i putem saopćenja za medije. I za kraj ću kazati da neke stvari, odnosno budžetske stavke koje bih želio da se uvažavaju prilikom kreiranja Prijedloga Budžeta, to je već ono što je nekolicina zastupnika i rekla, ali nije suviše da skrenem pažnju i da i ja zamolim izvršenje sudskih presuda, takođe slažem se, povećani su prihodi, imamo praksu iz prethodnih godina i mislim da ovdje, ova stavka zaslužuje najmanje plan u iznosu od milion konvertibilnih maraka, prvenstveno zbog onog dobrog modela otplaćivanja izvršnih sudskih presuda u smislu nagodbi, da se po tom modelu iskoristi planirana budžetska stavka u 2017. godini. S tim u vezi, ovaj iznos ukoliko Vlada bude imala sluha bi bilo dobro da se poveća sa ovih planiranih, čini mi se 798 hiljada na bar milion konvertibilnih maraka. Takođe, zastupnik Damir Jukić je rekao da je transfer za sport zaista mali, i ja se slažem da je zaista mali, s obzirom na ogroman broj sportskih klubova u Zeničko-dobojskom kantonu, budžet je veći nego prethodnih godina, budžetska stavka od 650 hiljada maraka je nedostajuća, nedostatna za sportske klubove i ja ću sigurno imati jedan amandman, jedan amandman koji sam i ranije pokušavao da predlažem, ali mislim da jedan posto budžeta za sport ne bi bilo puno, a u granicama onog što amandmanski budemo djelovali možete, možete očekivati da ćemo tražiti barem 0,5 posto planiranog budžeta na transferu za sport.

## **PREDSJEDAVALA**

Gospodine Begiću vaše vrijeme za diskusiju je isteklo, ako možete molim vas privesti kraju.

## **SENAID BEGIĆ**

Samo još minutu, ima tu i pozitivnih stvari, transferi za banjsko-klimatsko liječenje boraca, transferi uvedeni, uvedeni transferi za nabavku vakcina takođe su pozitivne stvari, i drago mi je da se to uvrstilo u budžet. Ostaje samo dilema ovdje na troškovima plaća zaposlenih, imamo povećanje od blizu 2 miliona konvertibilnih maraka, po meni je to nedopustivo gdje samo troškovi, naknade troškova zaposlenih imamo povećanje od blizu, znači unutar te stavke, od blizu milion konvertibilnih maraka. To su ove osnovne, moje primjedbe, ali evo zbog kratkoće vremena, ono što sam ispustio reći, a ispustio sam jedan dio, mi ćemo, odnosno ja ću djelovati putem amandmana kad bude Prijedlog Budžeta, reagovati, a još jednom bi zamolio i premijera i ministra Kajića da ukoliko imaju bilo šta da demantuju ovo što sam rekao danas za ovom govornicom, ili juče, ovaj da iskoristimo ovu priliku da

to uradimo, i evo tranfer civilnim žrtvama rata, ja sam ga zabilježio, nisam ga spomenuo, volio bi da i oko toga Vlada obrati pažnju i taj transfer poveća. Hvala.

### **PREDSJEDAVAJUĆA**

Zahvaljujem gospodine Begiću. Replika na izlaganje gospodina Begića od strane gospodina Tadića.

### **IVO TADIĆ**

Ja ću vas sve pozdravit'. Nisam, nisam mislio, zaista mi nije cilj, međutim da budem iskren ja kolegu Begića jako dugo poznajem, iznenadilo me danas i kolega Begić i SDP, da su ovakve diskusije i rasprave bile prije dva mjeseca, ja bi to i razumio u onom predizbornom razdoblju, međutim sada zaista ne vidim ni jednog razloga. S druge strane pomalo mi smeta što je toliko puta prozvana Vlada, premijer Galijašević, pogotovo ministar financija Kajić. Nemam namjeru bilo koga ovdje braniti, međutim ja sam dugo ovdje u ovoj Skupštini, i ovaj ako je nešto dobro u ovom trenutku onda je to Proračun, onda je stabilnost ovoga Proračuna, i vi uzmite danas sve obveze koje ima ova Vlada i ova Skupština od socijalnih davanja, od davanja naspram branitelja, od plaća, danas je trideseti, i svi proračunski korisnici u Zeničko-dobojskoj županiji znaju da će danas bit' plaća, i to su znali prije mjesec dana, i to će znat' i za sljedeći mjesec da će biti na koncu mjeseca, to nikad nije bilo do sad tako uređeno. Kažem nemam namjeru, nemam namjeru bilo koga braniti, međutim zaista ne vidim razloga ovakvim raspravama. Ja razumijem i ovaj dio pozicija je ta koja nudi Proračun, koja ga usvaja, podržava, i ja bi da budem iskren volio i treba nam daleko daleko više sredstava. Ne vidim nijednog ministra kojem je ovo dovoljno, trebalo bi daleko više. Razumijem i vas članove opzicije da možete iznijeti toliko stvari gdje bi trebalo djelovati na drugačiji način, međutim želje su jedno mogućnosti su drugo, ali evo ponavljam zaista ako u ovom trenutku možemo nešto pohvaliti onda je to stabilnost ove Vlade, stabilnost ovog proračuna. Hvala gospodine.

### **PREDSJEDAVAJUĆA**

Replika gospodina Begića na repliku gospodina Tadića.

### **SENAID BEGIĆ**

Uvaženi kolega Tadiću, obzirom, mislim doktore Ganiću da je neozbiljno da na ovakav način reagujemo, da glasamo nešto što nismo dovoljno pretresli. Ovaj, gospodine Tadiću obzirom da smo kolege u Skupštini Zeničko-dobojskog kantona, evo već sedmu godinu ja ću ovo dobronamjerno od vas prihvatiti i zaista sam tako prihvatio, međutim morate i vi sa razumijevanjem prihvatiti moju reakciju i reakcije mojih kolega na nešto gdje što mi u stanju reakcije, mi smo, ja sam ovdje danas došao na sjednicu Skupštine Zeničko-dobojskog kantona koji je meni isprovocirao kompletan današnji tok diskusije, ja apsolutno danas nisam imao namjeru nešto posebno da diskutujemo obzirom da je u pitanju i Nacrt Budžeta, međutim ukoliko vas neko prozove na način, dan prije, na način da ne govorite istinu, a vaš uvaženi ministar vam je dao taj podatak koji sam ja iznosio, onda taj ministar sam sebe demantuje, jer mi je on dao krivi podatak, a očigledno nisu krivi podaci, nisu krivi podaci. I ako dobijete papir na kojem kaže, koji kaže mišljenja smo da su učesnici jučerašnjeg press, mišljenja smo da učesnici jučerašnjeg pressa nisu kompetentni i stručni da komentarišu stanje, onda u najmanju ruku trebate doživjeti ovakvu vrstu rasprave, jer, jer ja neću dozvoliti da meni neko kaže da nisam stručan i nekompetentan za ovakvu temu, jer sam se bavio, bavim se izuzetno ozbiljnim poslom, i to sam na kraju krajeva i pokazao, i u kroz ovu Skupštinu i u svom mandatnom periodu obavljajući funkciju veoma odgovornu, gdje se rezultati pokazali i danas ću završiti to na način da je lako imati redovnu plaću ako budžet ubrizgate sa devetn'est miliona i osamsto hiljada maraka u budžetskoj godini, a prethodnu godinu ubrizgate sa 15 miliona konvertibilnih maraka, a sljedeću godinu planirane 30 miliona konvertibilnih maraka, a prethodna Vlada za cijeli svoj mandat podigla kredita u iznosu četiri, deset miliona i šesto hiljada konvertibilnih maraka. Ostali su dužni prema podacima koje smo dobili od ministra finansija, prethodni saziv Vlade SDA i SDP u mandatnom periodu 2010.-2014. je ostavio prema ovom dokumentu 55 miliona deficita. Neću ja sad' da ulazim u te priče, ja uopšte nisam pričao o tim nasljeđenim deficitima al' vrlo je lako imat' plaće na vrijeme i imat' izmirene obaveze prema svim ovim kategorijama na način kako sam ja to ovdje rekao, ja sam kriv samo što sam rekao činjenice, izvinite ako sam ja kriv što sam ovdje iznio samo činjenice, onda halalite. Hvala.

### **PREDSJEDAVAJUĆA**

Gospodine Begiću, vrijeme za repliku je isteklo, imat ćete vjerovatno priliku replicirati gospodinu Aliefendiću koji se javlja za repliku na vaše izlaganje.

### **ALMEDIN ALIEFENDIĆ**

Evo još jednom koristim priliku da poselamim i pozdravim sve prisutne. Imam potrebu da repliciram kolegi Begiću na dvije stvari. Obzirom da smo iza ove govornice spomenuti u nekoliko navrata je li, kada su u pitanju naši stavovi u prošlom mandatu po pitanju kreditnih zaduženja, moram kazati da smo mi u tom periodu bili opozicija. Vi ste imali skupštinsku većinu i mogli ste izglasati bilo koji iznos kreditnog zaduženja bez SDA, mi smo imali obavezu da vas upozoravamo na te stvari jer smo iz onoga što ste vi radili i kako ste se odnosili spram budžeta iz deficita koji su iz godine u godinu rasli, vidjeli da to ide ka ovome što je napisano od strane Vlade u ovom saopštenju, saopštenju od juče odnosno od danas. Kolega Begiću pogledajte 2012. sa 16 miliona, 2013. 26 miliona, rekordna sa deficitom 2014. sa 15 miliona, i mi smo kao opozicija trebali vama dat' dodatna sredstva da ih vi trošite kako ste ih trošili i da, da snosimo dio odgovornosti i vođenja Kantona evo dokle ste doveli. Na kraju krajeva, evo ne trebam vam ponavljat' građani su suci i oni sude za našu politiku ili vođenje politika evo svake četiri godine, vi ste imali rezultat iz razloga što su građani prepoznali našu, naš rad rad Stranke demokratske akcije u ovoj Skupštini. Tražili ste kredit u vrijeme kad je Vlada Muniba Husejnagića, kolege Muniba bila u ostavci. 2014. Godine, poslije februarskih nemira Vlada je podnijela ostavku i vi u tom trenutku tražite kredit, evo i da je sad situacija takva, ja vjerujem da niko ovdje ne bi glasao za, za dodatna kreditna zaduženja Vladi koja je u ostavci, i to treba svakom da bude jasno. Druga stvar zbog čega sam izašao da demantujem je 2012. godina, mislim da smo nekoliko puta ovdje, tu 2012. godinu elaborirali i kazali da smo te godine sa zakašnjenjem donijeli Budžet u aprilu mjesecu, imali smo privremeno finansiranje, da ministri iz SDA nisu uspjeli da donesu ni programe utroška sredstava, a uslijedila je smjena, ja dobro pamtim datume 12.06.2012. godine, i ne možete kazat da je odgovornost za 2012. godinu ili odgovornost za 16 miliona deficita na ministrima SDA.

### **PREDSJEDAVAJUĆA**

Gospodine Aliefendiću vaše vrijeme za repliku je isteklo, pa ja Vas molim da privedete kraju.

### **ALMEDIN ALIEFENDIĆ**

Znači, 2012. godina, trinaesta i četrnaesta je u odgovornosti Vlade SDP-a i to je fakat, to su činjenice, i ovi podaci koji su izneseni ovdje od strane Vlade su sigurno tačni i ova Vlada ima i moju podršku, evo ima i podršku Kluba SDA, i sigurno je za 100 posto bolja Vlada od one prethodne ili Vlade koja je bila u periodu od dvanaeste do četrnaeste. Hvala.

### **PREDSJEDAVAJUĆA**

Ja se izvinjavam, ja ću sad dat' pauzu deset minuta, pa ćemo nastaviti sa replikom gospodina Muniba Husejnagića na izlaganje gospodina Aliefendića, i repliku gospodina Begića na izlaganje gospodina Aliefendića. Ja zaista molim poslanike da zauzmemo mjesta i da nastavimo sa radom il' inače imate prijedlog da napravimo pauzu od pola sata. Gospodin Begić replika na repliku gospodina Aliefendića.

### **SENAID BEGIĆ**

Ja ću replicirati gospodinu Aliefendiću, vidim da ga nema, ali nema veze možda čuje u hodniku. Znači, ovdje konstantno pokušavate na drugom terenu da danas igramo argumentima, i ja znam da je gospodin Aliefendić majstor bio u prošlom mandatu ali evo i sad nastavlja kao, u smislu predstava za javnost. Znači, danas se ovdje ne snimamo, neće te gledati tvoji birači sa području Zeničko-dobojskog kantona, posebno Kaknja da im se dodvoravaš na ovakav način, te ja ovdje molim da ovdje argumentima, kao kolege zastupnici se suprotstavimo. Ja sam pričao o kreditnim zaduženjima Vlade Kantona i o onome što je današnji predmet diskusije, a to je Nacrt Budžeta za 2017. godinu i volio bi da oko toga danas raspravljamo, da se ne vraćamo stalno u prošlost i raspravljamo ko je kriv za koji deficit iz mandatnog perioda 2010.-2014. i u to dijelu se neću nikad složiti da je to problem SDP-a, to je problem Vlade SDA, SDP iz perioda 2010.-2014. Možda nekog drugog možeš ubjeđivat, ubjeđuj, ali mene nećeš, i nema potrebe da me dalje ubjeđuješ, ja znam sabrati dva i dva.

### **PREDSJEDAVAJUĆA**

Gospodine Begiću molim Vas da se u skladu sa dosadašnjim načinom ophođenja prema poslanicima i dalje ophodimo, ovo zaista već ne vodi, i onaj ne vodi kraja da ćemo završiti sjednicu.

### **SENAID BEGIĆ**

Znači, ja repliciram, ja sam najmanje kriv za ovo. Neko konstantno stvar prebacuje na neki drugi teren, na neku 2011. 2012. godinu, a ja pričam, i ušao sam u priču o Budžetu za 2017. godinu, znači ja nisam krivac, a ako sam već isprovociran da moram da pričam oko toga onda moram da dam repliku na to, i da ispravim neke stvari koje se kažu. Hvala. I ja bi molio evo da s ovim prestanemo oko toga, hvala.

### **PREDSJEDAVAJUĆA**

Neće ići izgleda, gospodin Husejnagić potom gospodin Aliefendić. Odustajete, zahvaljujem. Gospodine Plančić molim Vas da tu diskusiju nastaje.....

### **MUNIB HUSEJNAGIĆ**

Istine radi ja ću vrlo kratko reći da očigledno se pokazalo ovdje da sjedište mijenja gledište i da su javno rekli da su bili u opoziciji, da nisu namjerno htjeli izglasati kreditno zaduženje, a sada su pozicija i trebaju im pare da ih mogu trošiti, servisirati sve potrebe. Nedvojbeno u tom periodu, najteže dvije hiljade četrnaeste, i trinaest i četrnaest je prezentirano Skupštini da je neophodno kreditno zaduženje za servisiranje redovnih, obaveznih poslova iz budžeta koje se finansiraju. Tada je pred ovom Skupštinom fino rečeno, da je u šestom mjesecu 2014. priliv bio ukupan između 13 i 14 miliona, a da je samo 18 miliona redovna obaveza minimalna u budžetu, to znaju i ovaj premijer, i ministri i svi da je minimalno preko 18,7 koliko se sjećam napamet, koliko me pamet služi je'l pamćenje, osam'n'est zarez sedam miliona je neophodno minimalno samo da ništa drugo, ni u drugo ne ulaziš, samo da plate isplatiš i obaveze, putne troškove i sve ono ostalo što imaš i redovno one obaveze koje su po Zakonu obaveze iz Kantona, i ti imaš u tom mjesecu, u tom mjesecu imaš svega 13 miliona, od toga namjenskih sredstava je tri četiri miliona, imaš 10 miliona na raspolaganju i to prezentiraš i ono ti opet neće izglasati iz nekog pobuda zato što je pozicija, opozicija ili sve. Vlada u tehničkom mandatu je zato, samo zato što je ostala tu da se ne prekine život u Kantonu, da se servisira ono što je neophodno, što je Zakonom obavezno. Niko ne želi u toj Vladi sjediti u tehničkom mandatu, nego je to bila moralna obaveza onih ljudi zatečenih u tom momentu u takvom stanju, i logično je, logično je da smo bili tu da servisiramo prema građanima. Mi smo to tražili od ove Skupštine u ovom periodu, nismo imali skupštinsku većinu i tadašnja skupštinska većina nije, svjesno nije htjela izglasati, dati kredit mada je bjelodano bilo da je on neophodan da se samo osnovne funkcije, i šta se dešava, dešava se da kad napravimo sad' analizu, to ćemo posebno uradit' kad dobijemo odgovor na ono moje pitanje ko je do kad, ako si bio u šestom mjesecu, potrošio si pare do 30.06. radi se polugodišnji Izvještaj o stanju Budžeta i imao kol'ko je potrošeno i sve. Imat' ćemo te podatke to nije sporno. Znači, pazite da je i ona prethodna Vlada mjesečno, godišnje kao i ova blizu 20 miliona uzimala kredita, ne bi bilo ovog uopšte deficita, bio bi suficit pet'n'est dvadeset miliona. Znači, ne bi ga bilo, ovoga uopšte da su ga odobravali godišnje kao što ova Vlada po 20 miliona u prosjeku. Znači ne bi bilo uopšte, o čemu pričamo, znači ne date kredit, napraviti, moraš napraviti deficit inače ću ja doći uzeti kredit i to sanirati, ja sam sad neko. Mislim, nema smisla na ovakav način vodit' ovu raspravu. Evo ja vas molim da...

### **PREDSJEDAVAJUĆA**

Zahvaljujem gospodine Husejnagiću, dozvolite gospodine Avdiću da ja se samo obratim prije Vas vezano za Nacrt Budžeta.

Ja se nadam da će u deset minuta stati, neću reći replika nego obraćanje i gospodinu Begiću i gospodinu Husejnagiću, gospodinu Aliefendiću i diskusija vezano za Nacrt Budžeta ovaj, meni je žao, žao zaista što i stranka poput SDP-a pokušava da na neki način diskutuje kao i stranke koji prisvajaju i Budžet i Kanton kao svoje, pa onda se kaže da je koncesija na Vladu i Budžet u mandatu 2010.-2014. godina bila po pola SDA i SDP. Znači, ovo je Budžet Zeničko-dobojskog kantona, i naše obaveze prema građanima Zeničko-dobojskog kantona je prema svim onim Zakonima koji su doneseni i da pokušamo napraviti najbolje što možemo, a bez da politiziramo treba li uzeti kredit il' ne treba uzet'

kredit. Činjenica je da ona Vlada uspjela uzet' kredit 2014. da ne bi bila u deficitu, da bu bila u suficitu, činjenica je da je ovaj kredit neophodan da se isplate sve zakonske obaveze, i ono što je najveća činjenica to što gospodin Kajić iznio da mi imamo problem u raspodjeli prihoda. Premijeru u periodu smo reformske agende, mi zaista nešto reformski nešto moramo uraditi da bi krenuli naprijed, jer ovo je samo zataškavanje problema iz mandata u mandat, i ne znam dokle će nas to dovesti, il' ćemo prebacit loptice, znači na neke sazive tamo za nekih narednih deset godina. Iz tog razloga je vidljivo da Budžet Zeničko-dobojskog kantona ima hroničan problem, koji nije vezan ni za ovu Vladu ni za prethodnu Vladu, ni za prethodnih, dvije tri ili pet Vlada, odnosno od nastanka PDV-a kada je bio ogroman suficit u ovom Kantonu i kada smo mislili smo valjda da će tako svake godine kad privreda iskreditira državi aparat, da tako bude i sljedeće godine, ali smo zaboravili da već sljedeće godine prispjeva povrat PDV-a, u međuvremenu je enormno narasla administracija, za koju je kriva ili nije kriva neka Vlada u nekom sazivu, ali su tada, sada to fakti koje mi imamo pred sobom. Problem deficita hroničnog znači Budžeta Zeničko-dobojskog kantona leži i u svim zakonskim rješenjima koje je nametnula federalna Vlada Bosne i Hercegovine koja nije konsultovala skupštine kantona u Federaciji. Smatram, da ova Vlada mora imati načina da razgovara sa federalnom Vladom i da se iznađe rješenje za rješavanje problema deficita svih kantona u Federaciji. Ova inicijativa može da pokrene se iz Zeničko-dobojskog kantona za promjene zakona u smislu da se sve ono što mi imamo, a federalna Vlada je napravila projekat koji je tako nazvala gdje joj Svjetska banka pomogla u tome da sabere dugove po tužbama zaposlenika budžetskih korisnika kantona i otprilike je došla do cifre, mada ne znam zašto se to zove projekat, za mene je to deset telefonskih razgovora sa ministrima finansija, al' eto oni su imali projekat. Sabrali su da svi budžeti, svih kantona imaju problem sa tužbama u iznosu 250 miliona bez zakonskih zateznih kamata i bez sudskih troškova. To je nešto što će nas čekati narednih vjerovatno sto godina kako smo krenuli, ovaj, ja zaista smatram da od ovog Kantona može poteći inicijativa, al' to nije nešto što treba opozicija da radi, nego pozicija da preuzme odgovornost i da se sve te tužbe koje su uglavnom nastale kao posljedica federalnih propisa, a koje kantoni finansijski nisu mogli da iznesu. Taj dug treba pretvoriti u unutrašnji dug Federacije Bosne i Hercegovine i s time ćemo umanjiti ovu nepravdu na način da ono što Federacija i ostali kantoni podignu kao kredit vraćaju svi kantoni, pa vam ne može pomoći ni to kada je ukupan zbir PDV-a veći jer vama se budžet i dalje puni manje. Činjenica da je ovdje većina stranaka sad možda i sve parlamentarne stranke u ovoj Skupštini imaju sjedište u Sarajevu, da to nije jednostavan put al' da vjerovatno nekim razumnim dijalogom jer to ni kantoni su države za sebe, bar se ja tako nadam da nam to nije politika, nego su dijelovi ove Federacije i Federacija se zaista mora na kvalitetan način pobrinuti da se riješe ti dugovi. Federacija je na jedan vrlo bezobziran način u ovoj godini, il' prethodnoj, nisam sigurna jel' krajem prethodne godine, donijela Zakon o sanaciji svih deficita u Federaciji na način da se ti deficiti moraju sanirati u narednih pet godina. Bio je prvobitno prijedlog tri godine, al' eto uspjelo se nekako doći do tih pet godina. To faktički ukol'ko bi se primjenilo znači da trebamo staviti ključ u bravu. Iz kojeg razloga je to federalna Vlada donijela u ovom sazivu ja zaista ne mogu da razumijem, ali ono što mogu da razumijem je da mi moramo napraviti reformu na način da ono što je proisteklo kao dug, a proisteklo je uglavnom, ponavljam zbog propisa koji su donijetu u federalnoj Vladi se mora početi sanirati, a ovo je moj prijedlog, odnosno kako treba. Ovaj hronični deficit je vidljiv i u Nacrtu znači Budžeta za 2017. godinu, kada je nama potrebno znači 30 miliona kredita da ispunimo sve zakonom propisane obaveze prema korisnicima i da bismo ispoštovali tu zakonsku obavezu saniranja deficita koji je, koliko sam ja, ne mogu se sada sjetiti da ne tražim po papirima četiri miliona i osamsto, ministre predviđeno sanacija, četiri miliona i osamsto hiljada što opet ako ćemo podijeliti sa pet nije dovoljno, ali je barem pokazatelj da ova Vlada pokušava da radi po Zakonu. Šta ćemo uraditi pete godine vjerovatno neće biti ovaj saziv pa je to malo manje bitno, al' mislim da to neće pomoći građanima čija je koncesija na ovoj vlasti, nego šta ćemo sa svi problemima s kojima se susreće Zeničko-dobojski kanton. Sada što se tiče samog Nacrta Budžeta Zeničko-dobojskog kantona za 2017. godinu, ono što formalno želim da kažem, ovaj Nacrt trebao doći ranije u proceduru da bi bio peti est dana na razmatranju kod poslanika, da bismo mogli sprovesti jednu razumnu javnu raspravu u roku od trideset dana, međutim ja pozdravljam napor Vlade Zeničko-dobojskog kantona da se ovaj Budžet nađe danas na dnevnom redu, da se nađe, da se ostavi jedan manji rok al' opet prilično razuman rok za javnu raspravu, gdje će sve zainteresovane strane moći da daju svoj doprinos. Neću se ponavljati za, pošto su određene već kolege onaj pomenule neke stvari koje sam i ja htjela da pomenem što se tiče samog Nacrta i intervencija. Ja imam veći problem na ovoj

prihodovnoj strani koju sam sada istakla i smatram da se moramo na neki način uklopiti u ono što, koliki nam je pokrivač što bi se reklo u našem narodu. Rješenje nije da podignemo 30 miliona maraka kredita, nisam apriori protiv podizanja kredita, ali zaista sigurno nisam za u ovolikom iznosu. Stoga, pozivam i ministra finansija i premijera da zajedno sa Komisijom za privredu i finansije i budžet Zeničko-dobojskog kantona, ovu skupštinsku Komisiju da dalje iznađemo načina kako da ovaj Budžet možda ne bude 266 miliona kako je predviđeno, jer jednostavno nemamo prostora. Međutim, kada pogledate Nacrt Budžeta, ja se eto smatram kompetentnom i da raspravljam o njemu, ja nisam vidjela nikakvih karafeka što bi rekao gospodin Fejzić, onaj, tako da smatram da je on napravljen na najbolji mogući način sa sredstvima s kojima se raspolaže, odnosno s ovim dodatnim sredstvima koja su planirana kreditom. Vjerovatno nema puno prostora za uštede, ali mi moramo jednostavno napraviti taj napor, da bi ovaj Budžet se sveo u neku razumljivu mjeru, odnosno da zaduženje koje ostavljamo, ne nekoj drugoj Vladi, ne nekom drugom SDP-u il' ne znam ni ja kojoj stranci, ili SDA-u ili SBB-u sutra, da ne ostavljamo tol'ki dug, nego da ne ostavljamo znači, građanima i evo ovako se malo više popularno kaže, onaj neće djeca, nemaju djeca problem sa kreditima imaju problem njihovi roditelji, imaju problem privreda. Ono što mene zabrinjava je što, što gospodina Jukića nije razbriunulo onaj ipak ovoliko planirani prihod od dobiti firmi, ja smatram zaista da bez obzira na Zakon koji je donijela federalna Vlada da to neće ić' tek tako, da taj, mi nećemo osjetiti posljedice, pozitivne posljedice tog Zakona, jer u međuvremenu je federalna Vlada zavukla nekoliko puta ruku u džep privredi i ovim firmama na način da je oporezovala neke, znači naknade na plate koji do sad nisu, i tu će biti nešto što će smanjiti dobit ovih firmi, tako da nažalost nećemo osjetiti, ja mislim ovoliki efekat, a isto tako se nadam i da griješim. Stoga, Klub DF-a će podržati Nacrt Budžeta, al' da se dobro razumijemo, ne zato što je on ovakav kakav je napisan, nego što će Ministarstvo finansija, Vlada Zeničko-dobojskog kantona uzeti u obzir diskusije sa ove Skupštine, uzeti u obzir to da nije vrijeme da se u trećoj godini mandata diže ovoliki kredit, ne zato što je to pretposljednja godina mandata, nego zato što je to puno novca, kojeg treba vratiti bilo koja Vlada u budućnosti i građani ovoga Kantona i da pokušamo zajedno naći još prostora za određene uštede po određenim razdjelima gdje je to moguće. Složit ću se da je knjigovodstveno, da je knjigovodstvena kategorija deficit i da bude jasno znači, ko podigne kredit ima suficit, da nije podig'o kredit im'o bi deficit, i to je nešto što svima bude, treba da jasno bude. Međutim, mi moramo preživjeti ovaj period i neka to bude 2017. godina, ali ja zaista mislim da je krajnje vrijeme da se stvari počnu rješavati sistemski, a to je da krenemo u ozbiljnu priču sa Ministarstvom finansija Federacije i sa Vladom Federacije šta će sa akumuliranim deficitom svih budžeta do sada, šta ćemo sa kreditnim zaduženjem, šta ćemo sa tužbama. Eto toliko, pa se nadam da nisam izazvala replike na svoje izlaganje.

## **PREDASJEDAVAJUĆA**

Gospodin Avdić. Odustajete od diskusije. Gospodin Buljubašić.

## **AMIL BULJUBAŠIĆ**

Ponovo vas pozdravljam sve. Ono što bi postavio pitanje ovdje da li su pribavljena, dobijena mišljenja i saglasnosti svih boračkih udruženja na području Ze-do kantona za ovaj Nacrt Budžeta. Još bih također želio da dobijem odgovor od ministra za boračka pitanja i ministra finansija da li ovaj Nacrt Budžeta zadovoljava onu kvotu od četiri posto za Zakonom utvrđenim, znači za planiranje, za boračko, za Ministarstvo za boračka pitanja. Također bih ovdje iskoristio priliku i da pohvalim Ministarstvo za boračka pitanja koja je, koje je transfer za podsticaje zapošljavanja branilaca i članova njihovih porodica povećalo za 215 hiljada, što je značajan iznos, ali bi također kazao, ovo povećanje, pomoć braniteljima i članovima njihovih porodica u teškoj socijalnoj i ekonomskoj situaciji sa 715 na 800 hiljada. To je nekakva kupovina socijalnog mira, treba pohvaliti to povećanje, ali svakako mislim da je, ta sredstva bi trebalo u budućim nekakvim planiranjima prebaciti na Ministarstvo za rad i socijalna, socijalna pitanja, jer ako je već neko ugrožen zaista i ima taj nekakav tretman socijalne kategorije, mislim da to treba na to Ministarstvo da se i rješava. Ja bih zamolio ove, ova pitanja koja sam postavio za, da ih ne ponavljam, mogu i ponoviti, da li zadovoljava, ova kvota od četiri posto za Ministarstvo za boračka pitanja da li je zadovoljeno, kao nije, šta je opravdanje za takvo nešto. Eto to je to, ako sam bio onaj dovoljno jasan. Zahvaljujem.

**PREDSJEDAVAJUĆA**

Zahvaljujem gospodine Buljubašić. Da li neko od članova Vlade ima potrebu još da se obrati povodom ovih diskusija?

Zaključujem raspravu.

Gospodine Begiću nisam Vas razmijela. Izvolite. Jest al' eto nije prvi put da dozvoljavam.

**SENAID BEGIĆ**

Ja sam u svom izlaganju zamolio predstavnike Vlade, ministra Kajića i premijera Galijaševića da me demantuju u bilo kojoj iznešenoj činjenici kad je u pitanju ono što sam iznosio ovdje na današnjoj sjednici Skupštine, a što ima veze sa njihovim demantom koji su dostavili, današnjim, danas na sjednici zastupnicima, ili ćemo se demantovati u javnosti. Hvala.

**PREDSJEDAVAJUĆA**

Zahvaljujem gospodine Begiću, ja sam pozvala članove Vlade i pitala da li imaju, ovaj, šta za reći. Zaključujem raspravu i predlažem Skupštini sljedeći Zaključak.